

木部

人獸畜部

本草經疏輯要

卷五卷六

本草經疏輯要卷五目錄

木部

桂 桂枝 肉桂 桂心

松脂 葉節

茯苓 茯神 皮神 木

琥珀

山茱萸

酸棗仁

槐實 花枝皮 根葉

桑根 白皮 枝葉

桑柴灰 桑霜

桑寄生

女貞子

枸骨皮 灰葉

南燭枝葉 子

無食子 即沒石子

柏子仁 葉根 白皮

枸杞 子 苗根皮

杜仲

桑椹

桑耳

金櫻子

合歡 子

茗苦樣

黃檗

梔子

厚朴

枳實

枳殼

檳榔

大腹皮

烏藥

沉香

丁香

檀香

蘇合香

安息香

龍腦香即冰片

吳茱萸

蜀椒椒目

胡椒

乳香

沒藥

楓脂香即白膠香

降真香

麒麟竭

黃荊子荊瀝

蔓荊子

辛夷

竹葉竹茹竹瀝

天竺黃

蕪荑

猪苓

胡桐淚

訶黎勒

郁李仁

乾漆葉

楮實

大風子

蛀竹屑

赤檉柳

即西河柳

五加皮

海桐皮

橡實殼

棟實根

紫葳花

皂莢

子刺

巴豆

雷丸

麝仁

密蒙花

石南葉

椿根白皮

樗根皮葉

蘇方木

椶櫚皮

肥皂莢

樺木皮

木芙蓉

烏桕木根皮

山茶花

紫荆木

杉材

木槿皮花

柞木皮

樟腦

水楊葉木白皮

本草經疏輯要卷五

海虞後學吳世鎰懷祖纂

木部

桂味辛甘大熱有小毒主溫中利肝肺氣心腹寒熱冷疾霍亂轉筋頭痛腰痛出汗止煩止唾欬嗽鼻艱能墮胎堅骨節通血脈理疎不足宣導百藥無所畏

桂稟天地之陽兼土金之氣東垣曰陽中之陽浮也氣薄者桂枝也主上行而發表氣厚者肉桂也主下行而補腎此天地親上親下之道也桂枝入足太陽經桂心入手少陰厥陰經血分

肉桂入足少陰厥陰經血分表虛自汗風痺骨節攣痛解表橫
行桂枝所主沉寒痼冷補命火消陰翳肉桂所主元素補下焦
不足去榮衛中風寒春夏為禁藥秋冬下部腹痛非此不能止
好古補命門不足益火消陰日華治一切風氣補五勞七傷通
九竅煖腰膝破症癖癥瘕消瘀血續筋骨甄權主九種心痛腹
內冷氣通月閉下胞衣桂枝得白芍炙甘草飴糖黃耆則建
中兼止榮弱自汗得石膏知母人參竹葉麥冬治陽明瘧渴
欲引飲汗多寒熱俱甚得白芷當歸川芎黃耆生地赤芍彊
蠶治金瘡為風寒所擊俗名破傷風肉桂得朴硝當歸下死

蓄血發寒
熱

胎得蒲黃黑豆澤蘭益母草紅花牛膝生地當歸治產後少
腹兒枕痛甚則加乳香沒藥得吳茱萸乾薑附子治元氣虛
人中寒腹痛不可忍虛極加人參佐人參黃耆五味當歸麥
冬療瘡瘍潰後熱毒已盡內塞長肉良入桂苓甘露飲治中
暑霍亂吐瀉得薑黃鬱金治怒氣傷肝脇痛得當歸牛膝
治冬月難產產門交骨不開當歸牛膝生地乳香沒藥桃仁
治跌撲損傷瘀血凝滯腹中作痛或惱怒勞傷以致蓄血發寒
發熱極令人不眠腹不痛大便秘亦不甚渴脈不洪數不
思食食亦無味熱至天明得汗暫止少頃復熱小便赤此其候

也。和童便服立除。其氣大熱，獨熱偏陽，表裏俱達，和榮氣散表邪，出汗實腠理，則桂枝為長。故仲景以治冬月傷風寒病邪在表者，肉桂、桂心實一物也。祇去皮耳。此則走裏行血，除寒破血，平肝入右腎命門，補相火不足。然大忌於血崩、血淋、尿血、陰虛吐血、咯血、鼻衄、齒衄、汗血、小便因熱不利、大便因熱燥結、肺熱欬嗽、產後去血過多、產後血虛發熱、小產後血虛寒熱、陰虛五心煩熱、似中風、口眼歪斜、失音不語、語言蹇澀、手足偏枯、中暑昏暈、中熱腹痛、婦人陰虛少腹痛、一切溫病熱病、頭疼口渴、陽證發斑、發狂、小兒痧疹、腹疼作瀉、痘瘡血熱、乾枯黑陷、婦人

血熱經行先期婦人陰虛內熱經閉婦人陰虛寒熱往來口苦
舌乾婦人血熱經行作痛男婦陰虛內熱外寒中暑瀉利暴注
如火一切滯下純血由於心經伏熱腸紅下血臟毒便血陽厥
似陰夢遺精滑虛陽數舉脫陰目盲等三十餘證法並忌之誤
投則禍不旋踵謹察病因用舍在斷行其所明無行所疑其難
其慎毋嘗試也

松脂味苦甘溫無毒主癰疽惡瘡頭瘍白禿疥癢風氣安五臟除
熱胃中伏熱咽乾消渴風痺死肌煉之令白其赤者主惡痺葉
味苦溫無毒主風溼瘡生毛髮去風痛脚痺治癩節味苦溫無

毒主百節久風風虛脚痺疼痛炒焦治筋骨間病能燥血中之風
松脂感天之陽氣得地火土之化甄權以之煎膏生肌止痛排
膿貼諸瘡膿血癰爛取其性燥能除溼散風殺蟲消熱之力也
松節釀酒主脚弱骨節風及歷節風四肢如脫病人血虛
有火及病不閑風寒溼所傷而成者咸不宜服

柏子仁味甘平無毒主驚悸安五臟益氣除風溼療恍惚虛損吸
吸歷節腰中重痛益血止汗久服令人潤澤美色耳目聰明不飢
不老輕身延年葉味苦微溫無毒主吐血衄血痢血崩中赤白
輕身益氣令人耐寒暑去溼痺生肌根白皮味苦平無毒主火

灼爛瘡長毛髮

柏感秋令金氣質堅而氣芬芳子仁入心肝腎三經心藏神腎藏精與志心腎兩虛則病驚悸此能入神定志神志得養而寧定矣葦惟取扁而側生者名側柏宗爽云此木至堅不畏霜雪枝皆西指得木之正氣所以受金之正氣所制震亨曰采須隨月建方取其多得月令之氣其性多燥久得之大益脾上以滋其肺為補陰之要藥 仁同松子仁大麻仁等分同研蜜丸梧子大以黃丹少許泡湯食前服二三十丸日二服治老人虛閉仁取油二兩熬稠搽黃水溼瘡如神 葦為末米飲調服治

黃水溼瘡

老人虛閉

吹鼻血

憂患吐血煩滿少氣脇中疼痛 同榴花研末吹鼻血不止

大腸下血

單用燒研米飲服二錢治大腸下血 取嫩者九蒸九晒二兩

酒毒下血

陳槐花炒焦一兩為末蜜丸梧子大空心溫酒下四十丸治酒

毒下血 仁體多油腸滑作泄者勿服 隔間多痰及陽道數舉

腎家有熱暑溼作瀉法咸忌之

茯苓味甘平無毒主胸脇逆氣憂患驚邪恐悸心下急痛寒熱煩
滿欬逆口焦舌乾利小便止消渴好睡大腹淋瀝膈中痰水水腫
淋結開胸腑調臟氣伐腎邪長陰益氣力保神益氣利腰臍間血
久服安魂養神不飢延年 抱根者名茯神主辟不祥療風眩風

虛五勞口乾止驚悸志怒善忘開心益智安魂魄養精神皮主
水腫膚脹利小便開腠理茯苓神木主偏風口面喎斜毒風筋攣
不語心神驚悸虛而健忘脚氣痺痛諸筋牽縮

茯苓生石松之下感土木之氣陽中陰也入心肺脾胃腎經元
素曰其用有五利小便開腠理生津液除虛熱止瀉也白者入
氣分赤者入血分補心益脾白優於赤通利小便專除溼熱赤
亦勝白皮能消水腫神木主心神驚悸健忘乃同氣相求同聲
相應也總之氣味與茯苓一體入脾腎多用茯苓入心多用茯
神也得煉蜜胡麻仁可以辟穀延年入五苓散利水除溼

男婦濁帶

暑氣勝則去桂 得人参白朮橘皮山藥菟豆芍藥甘草為補
脾胃之上藥 得白朮蒼朮澤瀉車前白芍橘皮猪苓木瓜為
消水腫之要劑 入六味地黃丸能伐腎邪 入補心丹補心
安魂養神 同葵子治妊娠水腫小便不利惡寒 以猪苓為
使化黃蠟搜和丸彈子大名威喜丸治丈夫元陽虛憊精氣不
固小便下濁餘瀝常流夢寐多驚頻頻遺洩婦人白淫白帶空
心津下以小便清為度 如腎虛小水自利或不禁或虛寒精
滑者皆忌用
琥珀味甘平無毒主安五臟定魂魄殺精魅邪鬼消瘀血通五淋

婦人癥瘕
新產血暈

琥珀感土木之氣兼火化而色赤陽中微陰降也入心肝小腸
經血分藥性論治百邪及產後血瘀作痛日華療蠱毒壯心明
目磨翳止心痛癰疾破結癥海藥主止血生肌鎮心產後血暈
悶絕兒枕痛若作傅藥止血合金瘡得沒藥乳香延胡索乾
漆鼈甲為散治產後血暈有神佐以人參益母草澤蘭生地牛
膝當歸蘇木作湯送前藥治兒枕痛惡露不盡腹痛少腹痛寒
熱等證極效和大黃鼈甲作散洒下方寸匕下婦人腹內惡
血同鼈甲京三棱各一兩沒藥延胡各半兩大黃六銖熬搗
為散空心酒服三錢治婦人癥瘕氣塊及產後血暈悶絕兒枕

胎驚

胎癰

金瘡悶絕

痛甚虛極者減大黃 同丹砂滑石竹葉麥冬木通治心家有
熱小腸受之因而小水不利立效 同人瓜珍珠珊瑚除目翳
赤障 得丹砂犀角羚羊角天竺黃遠志茯神鎮驚主諸癰
同防風等分丹砂減半為末猪乳調一字入口中治小兒胎驚
最妙 同丹砂各少許全蝎一枚為末麥冬湯調服治兒胎癰
單用為末入麝香少許白湯或萱草煎湯調服治小便淋瀝
老人虛人以人參湯服 獨用為末童便調服一錢治金瘡悶
絕不識人三服瘥 消磨滲利之性不利虛人大都從辛溫藥
則行血破血從淡滲藥則利竅行水從金石藥則鎮心安神凡